

ORDENANZA Nº 16

ORDENANZA FISCAL REGULADORA DAS TAXAS POLA RECOLLIDA DO LIXO

ARTIGO 1 FEITO IMPOÑIBLE.

1. Constitúe o feito impoñible desta taxa a prestación do servizo de recollida, transporte e tratamento de residuos de competencia local no termo municipal de Vigo, de acordo co establecido no artigo 12.5 da Lei 7/2022, de 8 de abril, de residuos e solos contaminados para unha economía circular.

2. Entenderase de recepción obrigatoria o servizo prestado a todas as vivendas e locais ou establecementos nos que se realicen actividades económicas, nos termos previstos nos artigos 2.at), e 12.5.e.2) da Lei 7/2022. No caso dos locais sen actividade e dos aparcadoiros privados, quedarán suxeitos á taxa e tributarán pola cota de dispoñibilidade do servizo prevista no artigo 4. Non están suxeitos á taxa os establecementos e vivendas en situación de ruína ou reforma.

ARTIGO 2 SUXEITOS PASIVOS.

1. Son suxeitos pasivos das taxas, en concepto de contribuíntes, as persoas físicas e xurídicas así como as entidades a que se refire o artigo 35.4 da Lei 58/2003 Xeral Tributaria, que soliciten ou resulten beneficiadas ou afectadas polos servizos ou actividades que presten ou realicen as entidades locais, de conformidade co artigo 23.1 do RDL 2/2004 de 5 de marzo que aprobou o Texto refundido da Lei Reguladora das Facendas Locais .

En consecuencia, son suxeitos pasivos contribuíntes nesta taxa as persoas físicas ou xurídicas e as entidades a que se refire o artigo 35.4 da Lei 58/2003 de 17 de decembro, Xeral Tributaria, que ocupen ou utilicen as vivendas, establecementos e instalacións de calquera uso, sexa a título de propietario ou usufrutuario, habitacionista ou arrendatario.

2. Terán a condición de substitutos/as do contribuínte, nas taxas establecidas por razóns de servizos ou actividades que beneficien ou afecten aos ocupantes de vivendas ou locais, os/as propietarios/as de ditos inmobles, quen poderán repercutir, no seu caso, as cotas sobre os respectivos beneficiarios, de conformidade co artigo 23.2, do citado RDL 2/2004.

ARTIGO 3 RESPONSABLES.

1. Responderán solidariamente do pagamento desta taxa xunto cos suxeitos pasivos substitutos/as da persoa contribuínte, os/as beneficiarios/as da prestación do servizo por utilizar ou ocupar as vivendas ou locais.

2. En materia de responsabilidade será de aplicación o artigo 24 da Ordenanza Fiscal Xeral do Concello.

ARTIGO 4 COTA.

4.1 COTA VIVENDAS

4.1.1. A cota resultante polos servizos de recollida, transporte e tratamento dos residuos en vivendas consistirá nunha cota fixa por dispoñibilidade do servizo máis unha cota variable por xeración.

4.1.2. A cota fixa de dispoñibilidade destínase a sufragar o custo fixo do servizo e consiste nunha cantidade fixa anual de 94,33 € por cada vivenda.

4.1.3. A cota variable determínase pola cantidade de residuos xerada en cada vivenda en función do número de persoas que a habitan. A cota variable anual será a seguinte:

- Vivendas sen habitantes: 9,50 €
- Vivendas entre 1-3 persoas: 29,40 €
- Vivendas entre 4-6 persoas: 36,90 €
- Vivendas de máis de 6 persoas: 43,90 €

A efectos da contificación do número de habitantes da vivenda, tomarase o número de persoas que consten no padrón municipal de habitantes na data de devengo da taxa: 1 de xaneiro.

Así, as cotas resultantes para as vivendas que se derivan dos artigos 4.1, 5.1 e 5.3, así como dos cálculos que obran no informe técnico-económico, figuran en Anexo a este texto normativo.

4.2 COTA ESTABLECEMENTOS

4.2.1. Aos establecementos e locais aplicaráselle unha cota tributaria integrada por unha cota de dispoñibilidade do servizo máis unha cota variable por xeración:

Cota tributaria resultante= cota de dispoñibilidade do servizo + cota variable

4.2.2. A cota de dispoñibilidade do servizo determínase a partir da cota fixa base de dispoñibilidade, sobre a cal se aplica un coeficiente en función do tramo da superficie do local, segundo a seguinte fórmula:

$$Cd = Cb \times (1 + (Cs - 1) \times 0,65)$$

Onde:

Cd é a cota de dispoñibilidade para cada tramo de superficie

Cb é a cota fixa base de dispoñibilidade, que é igual á cota fixa de dispoñibilidade para vivendas (94,33 €)

Cs é o coeficiente de superficie do local

A cota de dispoñibilidade do servizo aplicarase a todos os locais e establecementos, con independencia da actividade realizada, incluídos os garaxes privados e os locais sen actividade.

Os valores do coeficiente de superficie (cs) son os seguintes:

TRAMO DE SUPERFICIE	COEFICIENTE
Ata 30 m ²	1,0
Máis de 30 ata 100 m ²	1,2
Máis de 100 ata 200 m ²	1,4
Máis de 200 ata 500 m ²	1,8
Máis de 500 ata 1.000 m ²	2,4
Máis de 1.000 ata 2.000 m ²	3,5
Máis de 2.000 m ²	5,0

No caso dos garaxes privados, o tramo de superficie contifícase en función do número de prazas de aparcamento, de acordo co seguinte cadro:

TRAMO DE SUPERFICIE	COEFICIENTE
Ata 3 prazas	1,0
De 4 a 25 prazas	2,0
Máis de 25 prazas	3,0

Os locais sen actividade tributarán por unha cota de dispoñibilidade de contía idéntica á cota aplicable a vivendas sen habitantes (103,83 €).

4.2.3. A cota variable establécese como resultado de multiplicar a cota fixa base de dispoñibilidade pola parte que excede a unidade do

coeficiente de actividade do sector no que se encadra o establecemento, e polo coeficiente do tramo de superficie do local:

$$C_v = C_b \times ((C_a - 1) \times C_s)$$

Onde:

C_v é a cota variable

C_b é a cota fixa base de dispoñibilidade, que é igual á cota de dispoñibilidade para vivendas (94,33 €)

C_a é o coeficiente de actividade e representa a cantidade e o tipo de residuos do sector correspondente por unidade de superficie

C_s é o coeficiente de superficie do local definido no precedente punto 4.2.2.

4.2.4. O coeficiente de actividade é unha cifra definida para cada un dos sectores de actividade ou tipoloxías do local ou establecemento.

O valor dos coeficientes de actividade foi calculado a partir dun indicador de xeración de residuos para as actividades do termo municipal de Vigo, sendo os valores os indicados na seguinte táboa:

SECTOR DE ACTIVIDADE	COEFICIENTE
Aloxamento	7,2
Restaurantes	6,9
Servizos de saúde con hospitalización / residencias	5,2
Centros educativos (colexios)	4,4
Bares e cafeterías	4,4
Supermercados e froiterías	3,7
Ocio nocturno	3,5
Alimentación	3,4
Vivendas turísticas	3,2
Servizos persoais e recreativos	2,0
Comercio persoal	1,7
Servizos de saúde sen hospitalización	1,5
Fábricas e talleres	1,5
Garaxes con acceso público	1,5
Comercio fogar	1,4
Almacéns	1,4
Aloxamento sen restauración	1,4

Servizos administrativos	1,1
Garaxes privados e locais sen actividade	1,0

4.2.5. Os establecementos industriais, comerciais e de servizos cun volume de residuos superior a 800 litros/día depositarán estes nos colectores que determine o servizo municipal de limpeza, de acordo coas necesidades de organización do citado servizo segundo a zona ou rúa e tributarán por esta taxa coas seguintes cotas:

- Por cada colector de 800/1.000 l: 2.680,86 €
- Por cada colector de 2.400/3.000 l: 7.534,96 €

Así, as cotas resultantes, para as distintas actividades, que se derivan dos artigos 4.2 e 5.2, así como dos cálculos que obran no informe técnico-económico, figuran en Anexo a este texto normativo.

ARTIGO 5 REDUCIÓNS.

5.1. Aplicarase unha redución do 65% da cota variable para aqueles suxeitos pasivos que acrediten a participación dos habitantes da vivenda na recollida separada de residuos mediante o depósito de cada unha das fraccións no colector correspondente. A tal efecto, considerarase acreditada a participación na recollida separada de residuos se cumpren calquera das seguintes condicións:

- Que no ano inmediatamente anterior ao da imposición se teñan realizado depósitos de residuos orgánicos no colector separado da fracción orgánica (colector marrón).
- Que a vivenda conte de composteiro domiciliario entregado polo servizo municipal de limpeza, sempre que non se constate o incumprimento ou falta de uso do mesmo.
- Que no ano inmediatamente anterior ao da imposición se teña realizado, como mínimo, unha entrega a algún dos puntos limpos municipais.
- Que no ano inmediatamente anterior ao da imposición se teñan depositado, como mínimo unha vez, residuos voluminosos (enseres) ou restos de podas de domicilios particulares, sempre que o depósito destes residuos teña sido comunicada e realizada de acordo co establecido polo servizo de limpeza.

Para a aplicación desta redución na cota variable, será necesario que o servizo municipal de limpeza facilite aos servizos tributarios datos sobre os “comportamentos responsables” mencionados anteriormente, sen prexuízo das comprobacións que realicen os propios servizos tributarios.

Así, as cotas resultantes para as vivendas que se derivan dos artigos 4.1, 5.1 e 5.3, así como dos cálculos que obran no informe técnico-económico, figuran en Anexo a este texto normativo.

5.2. Aplicarase unha redución do 40% da parte do coeficiente de actividade que exceda de 1 para todos aqueles establecementos que acrediten unha adecuada separación das diferentes fraccións de residuos e o correcto depósito nos colectores habilitados a tal efecto polo servizo municipal de limpeza, de acordo coa normativa aplicable.

Presumirase cumprida a condición para esta redución por parte de todos os establecementos, agás naqueles casos nos que os servizos tributarios ou o servizo de limpeza acrediten o incumprimento das mesmas.

Así, as cotas, para actividades económicas, que se derivan dos artigos 4.2 e 5.2, así como dos cálculos que obran no informe técnico-económico, figuran en Anexo a este texto normativo.

5.3. Aplicarase unha redución do 100% da cota tributaria para as vivendas que constitúan a residencia habitual da persoa solicitante, sempre e cando os ingresos brutos anuais per cápita, de todas as persoas convivintes sexan inferiores a 4.860 € e, 7.051 € para familias numerosas. O cómputo dos ingresos brutos farase respecto do exercicio inmediatamente anterior ao que se presente a solicitude.

Para desfrutar desta redución haberá de cumprirse amais a condición de que a titularidade de Bens Inmóveis de Natureza Urbana, a excepción da vivenda na que residen, non supere o valor catastral total de 54.136€.

O ingreso bruto anual per cápita calcularase dividindo a totalidade dos ingresos brutos anuais de todas as persoas que convivan nunha vivenda entre o número total daquelas.

No caso dunha persoa cun grao de discapacidade igual ou superior ao 65%, computarase como se foran dúas persoas. No caso de que o grao de discapacidade fose igual ou superior ao 33% e inferior ao 65% computarase como 1,5.

5.3.1. No caso das familias numerosas deberán acompañar á solicitude o título de familia numerosa vixente a 1 de xaneiro do exercicio no que deba producir efectos a redución.

5.3.2. No caso de persoas maiores de 65 anos, aplicarase aos seus ingresos brutos o coeficiente 0,50.

5.3.3. No caso de que nunha vivenda resida unha soa persoa aplicarase aos seus ingresos brutos o coeficiente 0,55.

5.3.4. No caso de que se dean simultaneamente as dúas circunstancias referidas nos dous parágrafos anteriores, aplicarase o coeficiente 0,35.

5.3.5. No caso de que o suxeito pasivo sexa unha persoa vítima de violencia de xénero acreditada mediante sentenza, ou de protección ou medida cautelar, informe do ministerio fiscal sobre indicios de violencia de xénero, informe dos servizos sociais autonómicos ou locais, así como outras formas de acreditación establecidas na lexislación vixente (LO 1/2004 de medidas de protección integral contra a violencia de xénero e Lei 11/ 2007 para a prevención e tratamento da violencia de xénero da Comunidade Autónoma) aplicarase a súa renda o coeficiente 0,35. Este coeficiente será de aplicación durante os primeiros 5 anos contados dende a data da sentenza ou dos demais documentos acreditativos.

5.3.6. No caso do que nunha vivenda resida unha familia monoparental, na que só percibe ingresos o/a proxenitor/a, custodio/a, aplicarase ao ingreso bruto o coeficiente 0,55.

Poderá aplicarse este coeficiente no caso de que os/as fillos/as perciban prestacións de carácter público por motivo de discapacidade, invalidez, orfandade e similares.

Considérase familia monoparental aos efectos desta ordenanza, a definida no artigo 13 da Lei 3/2011 de 30 de xuño de apoio á familia e á convivencia de Galicia, debendo acompañar certificado de familia monoparental á solicitude.

5.3.7. No caso de persoas que tendo cargas familiares, levasen en situación de desemprego máis de 22 meses ininterrompidos, aplicarase aos seus ingresos un coeficiente do 0,50.

O cómputo dos 22 meses para a aplicación deste coeficiente iníciase o 1 de xaneiro do ano anterior ao da solicitude.

5.3.8. No caso de persoas en situación de "dependencia en calquera dos seus tres grados", aplicarase aos seus ingresos un coeficiente do 0,50.

5.3.9. No caso das persoas dependentes do apartado 1.8 que fose maiores de 65 anos aplicarase un coeficiente do 0,35.

5.3.10. No caso das persoas dependentes do apartado 1.8 que fosen maiores de 65 anos e residan soas aplicarase un coeficiente do 0,30.

5.3.11. Presentarán solicitude de redución unha única vez os maiores de 65 anos que vivan sós. Nestes casos a Administración Tributaria do Concello actuará de oficio para aplicar redución, se procede, nos sucesivos exercicios.

5.3.12. Procederá Resolución da Concellería de Economía e Facenda para establecer procedemento e /ou interpretación e/ou aclaración respecto do contido do apartado 1 anterior.

5.3.13. As solicitudes de redución deberán ser presentadas entre o 1 de outubro e o 31 de decembro de cada ano e, no caso de resultaren estimadas, produciran efectos para o exercicio seguinte a aquel no que foran presentadas.

De presentarse algunha solicitude de redución entre o 1 de xaneiro e o 30 de setembro, tamén será tramitada, producindo efectos para o exercicio seguinte a aquel no que fora presentada, sen prexuízo do disposto no apartado seguinte.

5.3.14. No caso de que con posterioridade á solicitude de redución e antes do 30 de abril do exercicio no que deba producir efectos, houbera cambio de domicilio do conxunto familiar ou cambios nas persoas ocupantes da vivenda obxecto do beneficio fiscal, estes deberán ser comunicados no prazo máximo de 5 días hábiles para continuar a tramitación da solicitude. De non seren comunicados estes cambios, a solicitude non será tramitada ou quedará sen efecto a redución xa concedida.

ARTIGO 6 PERÍODO IMPOSITIVO E DEVENGO.

O período impositivo coincidirá co ano natural, o devengo da taxa producirase o 1 de xaneiro de cada ano e as cotas será irredutibles coa excepción dos supostos de alta e variación de actividades económicas nos que se producirá o prorrateo por semestres.

Tamén se producirá prorrateo por semestres no caso das baixas de actividades económicas que foran presentadas no Concello.

ARTIGO 7 NORMAS DE XESTIÓN.

7.1. Consideracións sobre a determinación das cotas.

7.1.1. Cando nun domicilio se simultanee a residencia co exercicio dunha actividade económica, entre a cota resultante de vivenda e a cota resultante de actividade, elixirase a de maior importe.

Terán a consideración de vivendas de uso turístico as que figuren inscritas como tales no Directorio de aloxamentos turísticos da Xunta de Galicia á data do devengo e tributarán por esta taxa segundo o artigo 4.2.

7.1.2. A clasificación das actividades nos diferentes grupos, realizarase naquel no que pola súa natureza máis se asemelle, a criterio da Xestión Tributaria.

Previa xustificación documental e co fin de garantir o principio de pago por xeración, a Xestión Tributaria poderá determinar situacións que deban ser asimiladas a locais sen actividade ou que proceda ás mesmas a aplicación dun coeficiente distinto ao definido con carácter xeral.

7.1.3. Aos efectos do disposto nesta ordenanza, considérase local diferenciado aquela estancia, construción, instalación, recinto ou espazo con acceso ou accesos directos do público e/ou do persoal empregado dende zoas comúns ou dende vía pública, constituíndo cada local un obxecto tributario distinto a efectos do pago da presente taxa.

7.1.4. No caso de que un mesmo suxeito pasivo realice varias actividades nun mesmo local, aplicarase un só coeficiente de actividade dos sinalados no art.4. Procederá a aplicación daquel coeficiente que resulte de maior valor entre os de aplicación ás actividades desenvolvidas, considerándose para a mesma a totalidade da superficie do local.

7.1.5. No caso de que varios suxeitos pasivos distintos, realicen cadansúa actividade compartindo un mesmo local, procederá a cada un deles a cota que resulte de aplicación segundo o artigo 5 da presente ordenanza, considerando a totalidade dos metros do local para cada un deles, reducida nun 30%. A aplicación da presente redución, terá efectos a partir do exercicio seguinte ao que se solicite.

Non se aplicará o disposto no parágrafo anterior aos denominados espazos de traballo flexibles (Coworking e similares), procedendo unha única cota de actividade ao titular da actividade principal.

7.1.6. No caso de locais ou establecementos que acrediten que a recollida, transporte e tratamento da totalidade dos seus residuos é realizada por un xestor autorizado, aplicarase un coeficiente de actividade 1.

7.1.7. Considerarase que a superficie de local ou establecemento será a establecida polos servizos da Xestión Tributaria, baseándose nas superficies catastrais e nas comprobacións realizadas polo propio servizo, seguindo criterios que permitan determinar as superficies efectivamente destinadas ás actividades.

7.2. Altas, variacións e baixas

7.2.1. As altas nos Padróns fiscais da taxa de residuos produciranse a partir da información contida no Catastro Inmobiliario, rexistro administrativo regulado no RDL 1/2004 de 5 de marzo.

As variacións derivadas de alteracións de titularidade catastral da vivenda ou local (modelo 901 de declaración catastral) surten efectos para o exercicio seguinte a aquel no que se produzan.

A efectos da aplicación das taxas reguladas na presente ordenanza, as actuacións dos Servizos de Xestión e Inspección Tributarias do Concello complementarán e/ou corruxarán os datos contidos no Catastro Inmobiliario nos casos de omisión do Ben Inmóbel no rexistro catastral, ausencia de división horizontal e outros.

7.2.2. Para o caso de vivendas, as liquidacións/recibos do padrón da taxa para vivendas relativas a altas e modificacións catastrais non precisarán de notificación individualizada se, con carácter previo, lle fora notificada a correspondente alta ou modificación catastral ao suxeito pasivo da taxa.

7.2.3. Para o caso de actividades económicas:

- As persoas titulares catastrais de locais de uso distinto a vivenda deberán comunicar ao Concello os arrendamentos daqueles, a efectos de causar baixa como contribuíntes e aplicar a tarifa de residuos segundo o tipo de actividade e a superficie do local, aos titulares das actividades económicas. A comunicación dos arrendamentos terá efectos, para a persoa titular catastral, no exercicio seguinte ao da comunicación.

- No caso de subarrendamentos, o/a subarrendador/a terá unha obrigación análoga á definida no parágrafo anterior para o titular catastral e con idénticos efectos.

- As altas derivadas de nova construción ou rehabilitación así como as altas de actividades económicas presentadas na AEAT nos impresos 036, 037 e, no seu caso, no impreso 840 surten efectos o primeiro día do semestre natural correspondente a data de inicio da actividade.

- Os mencionados documentos 036, 037 e 840 de alta ou variación no censo de empresarios/as, profesionais e retenedores/as, así como as solicitudes de licenza de actividades e instalación ou no seu caso as “declaracións responsables ou comunicacións previas” presentadas na Xerencia Municipal de Urbanismo surtirán os efectos de notificación de alta ou variación no padrón da Taxa de residuos de actividade económica, non sendo necesaria, dende un punto de vista legal, a notificación individual da liquidación incluída no padrón fiscal.

- As variacións de actividades económicas presentadas na AEAT nos impresos 036, 037 e, no seu caso, no impreso 840 surten efectos o primeiro día do semestre natural correspondente a data da variación na actividade.

- As baixas de actividades económicas presentadas na AEAT nos impresos 036, 037 e, no seu caso, no impreso 840 surten efectos para o exercicio seguinte a aquel no que se formulen. Non obstante, se as baixas foran presentadas no Concello, surtirán efectos para o semestre seguinte a aquel no que se formulen.

- A omisión das correspondentes declaracións de Alta, Variación ou Baixa así como a omisión da comunicación de arrendamentos teñen a consideración de infracción tributaria.

ARTIGO 8 INGRESO.

De conformidade co artigo 60.3, empregarase como procedemento supletorio e alternativo ao procedemento de ingreso por recibo, o réxime de autoliquidación.

ARTIGO 9 INFRACCIÓNS E SANCIÓN.

No relativo á cualificación de infraccións tributarias, así como das sancións que correspondan en cada caso, aplicarase a ordenanza Fiscal Xeral, Lei Xeral Tributaria e restantes normas complementarias.

DISPOSICIÓN ADICIONAL.

A porcentaxe de redución prevista no artigo 5.1 para o ano 2025 e seguintes dependerá do importe do canon de tratamento de residuos de Sogama en vigor á data de aprobación do padrón fiscal da taxa de residuos de vivenda, de acordo coa seguinte fórmula:

Redución da cota variable de vivendas habitadas = $(65\% - (2,87 \times \pm\% \text{ de variación do importe do canon respecto de } 96,86 \text{ €/t, IVE incluído})) \times \text{Coeficiente de xeración de residuos}$

O resultado así obtido axustarase ao enteiro superior.

O coeficiente de xeración de residuos dependerá da cantidade de residuos (fracción resto) xerada no termo municipal e enviada para o seu tratamento en Sogama no exercicio inmediatamente anterior ao de imposición. Este coeficiente adoptará os seguintes valores:

- Menos de 80.000 t: 1,5
- Entre 80.000 e 85.000 t: 1,2
- Entre 85.000 e 90.000 t: 1,0
- Máis de 90.000 t: 0

A porcentaxe de redución non poderá superar o 100% nen ser inferior ao 0%.

DISPOSICIÓN TRANSITORIA PRIMEIRA.

A redución da cota variable doméstica prevista no artigo 5.1 e na Disposición Adicional aplicarase de oficio a todas as vivendas habitadas por un mínimo de 1 persoa, continuando vixente esta redución ata que esta ordenanza resulte modificada.

DISPOSICIÓN TRANSITORIA SEGUNDA.

1. En establecementos de actividades económicas de superficie igual ou inferior a 500 metros cadrados, as cotas resultantes para o exercicio 2025 e seguintes non superarán ano a ano o incremento dun 10% aplicado sucesivamente ata acadar o importe da cota do anexo desta ordenanza.

2. En establecementos de actividades económicas de superficie superior a 500 metros cadrados, as cotas resultantes para o exercicio 2025 e seguintes non superarán ano a ano o incremento dun 20% aplicado sucesivamente ata acadar un importe da cota do anexo desta ordenanza.

3. O disposto na presente disposición transitoria só será aplicable respecto de suxeitos pasivos, actividades e locais que constan no padrón do exercicio 2024 e sempre que cumpran as condicións

establecidas no artigo 5.2 para beneficiarse da redución do coeficiente de actividade.

DISPOSICIÓN FINAIS.

1ª. No non previsto nesta ordenanza será de aplicación a Ordenanza Fiscal Xeral e restante normativa de aplicación.

2ª Esta modificación entrará en vigor ao día seguinte da súa publicación no BOP e comezará a aplicarse o 1 de xaneiro de 2025 permanecendo vixente en tanto non se acorde a súa modificación ou derogación expresa.

ANEXO – COTAS RESULTANTES PARA VIVENDAS.

TIPO DE VIVENDA	COTA FIXA DE DISPONIBILIDADE	COTA VARIABLE	COTA TOTAL
Sen habitantes	94,33€	9,50€	103,83€
1- 3 habitantes	94,33€	29,40€	123,73€
4-6 habitantes	94,33€	36,90€	131,23€
Máis de 6 habitantes	94,33€	43,90€	138,23€
Con redución do 100% por renda	0€	0€	0€

Sobre as cotas variables aplicaríase, no seu caso, a redución prevista na Disposición Adicional.

**ANEXO – COTAS RESULTANTES PARA OS DIFERENTES
SECTORES DE ACTIVIDADE SEGUNDO O REGULADO NOS
ARTIGOS 4.2 E 5.2 DA ORDENANZA, SEN PREXUIZO DO
DISPOSTO NO SEGUNDO PARÁGRAFO DO ARTIGO 5.2**

	COEF. ACTI V.	TRAMO 1	TRAMO 2	TRAMO 3	TRAMO 4	TRAMO 5	TRAMO 6	TRAMO 7
		ata 30 m ²	30 - 100 m ²	100 - 200 m ²	200 - 500 m ²	500 - 1000 m ²	1000 - 2000 m ²	máis 2000 m ²
COEF. SUPERF.		1	1,2	1,4	1,8	2,4	3,5	5
Aloxamento	4,7	443,35 €	525,42 €	607,49 €	771,62 €	1.017,82 €	1.469,19 €	2.084,69 €
Restaurantes	4,5	424,49 €	502,78 €	581,07 €	737,66 €	972,54 €	1.403,16 €	1.990,36 €
Servizos de saúde con hospitalización / residencias	3,5	330,16 €	389,58 €	449,01 €	567,87 €	746,15 €	1.073,00 €	1.518,71 €
Centros educativos (colexios)	3,0	282,99 €	332,98 €	382,98 €	482,97 €	632,95 €	907,93 €	1.282,89 €
Bares e cafeterías	3,0	282,99 €	332,98 €	382,98 €	482,97 €	632,95 €	907,93 €	1.282,89 €
Supermercados e froiterías	2,6	245,26 €	287,71 €	330,16 €	415,05 €	542,40 €	775,86 €	1.094,23 €
Ocio nocturno	2,5	235,83 €	276,39 €	316,95 €	398,07 €	519,76 €	742,85 €	1.047,06 €
Alimentación	2,4	226,39 €	265,07 €	303,74 €	381,09 €	497,12 €	709,83 €	999,90 €
Vivendas de uso turístico	2,3	216,96 €	253,75 €	290,54 €	364,11 €	474,48 €	676,82 €	952,73 €
Servizos persoais e recreativos	1,6	150,93 €	174,51 €	198,09 €	245,26 €	316,01 €	445,71 €	622,58 €
Comercio persoal	1,4	132,06 €	151,87 €	171,68 €	211,30 €	270,73 €	379,68 €	528,25 €
Servizos de saúde sen hospitalización	1,3	122,63 €	140,55 €	158,47 €	194,32 €	248,09 €	346,66 €	481,08 €
Fábricas e talleres	1,3	122,63 €	140,55 €	158,47 €	194,32 €	248,09 €	346,66 €	481,08 €
Garaxes con acceso público	1,3	122,63 €	140,55 €	158,47 €	194,32 €	248,09 €	346,66 €	481,08 €
Comercio fogar	1,2	113,20 €	129,23 €	145,27 €	177,34 €	225,45 €	313,65 €	433,92 €
Almacéns	1,2	113,20 €	129,23 €	145,27 €	177,34 €	225,45 €	313,65 €	433,92 €
Aloxamento sen restauración	1,2	113,20 €	129,23 €	145,27 €	177,34 €	225,45 €	313,65 €	433,92 €
Servizos administrativos	1,1	103,76 €	117,91 €	132,06 €	160,36 €	202,81 €	280,63 €	386,75 €

Para 2025 e seguintes, resultará de aplicación a Disposición transitoria 2ª:

“1. En establecementos de actividades económicas de superficie igual ou inferior a 500 metros cadrados, as cotas resultantes para o exercicio 2025 e seguintes non superarán ano a ano o incremento dun 10% aplicado sucesivamente ata acadar o importe da cota do anexo desta ordenanza.

2. En establecementos de actividades económicas de superficie superior a 500 metros cadrados, as cotas resultantes para o exercicio 2025 e seguintes non superarán ano a ano o incremento dun 20% aplicado sucesivamente ata acadar o importe da cota do anexo desta ordenanza.

3. O disposto na presente disposición transitoria só será aplicable respecto de suxeitos pasivos, actividades e locais que constan no padrón fiscal desta taxa do exercicio 2024 e sempre que cumpran as condicións establecidas no artigo 5.2 para beneficiarse da redución do coeficiente de actividade.”

Cotas para garaxes privados:

TIPO	COTA
Ata 3 prazas	94,33 €
De 4 a 25 prazas	155,64 €
Máis de 25 prazas	216,95 €

Cotas para locais sen actividade: 103,83€

PUBLICACIÓNS B.O.P.: 30 DE DECEMBRO DE 1989
4 DE XANEIRO E 30 DE DECEMBRO DE 1991
23 DE DECEMBRO DE 1992
30 DE DECEMBRO DE 1993
27 DE DECEMBRO DE 1995
30 DE DECEMBRO DE 1996
30 DE DECEMBRO DE 1999
27 DE DECEMBRO DE 2000
30 DE NOVEMBRO DE 2001
26 DE DECEMBRO DE 2002
30 DE DECEMBRO DE 2003
29 DE NOVEMBRO DE 2004
7 DE DECEMBRO DE 2005
30 DE DECEMBRO DE 2006
10 DE DECEMBRO DE 2007
10 DE DECEMBRO DE 2008
11 DE DECEMBRO DE 2009
29 DE NOVEMBRO DE 2010
14 DE DECEMBRO DE 2010
22 DE NOVEMBRO DE 2011
21 DE DECEMBRO DE 2012
30 DE OUTUBRO DE 2014
25 DE NOVEMBRO DE 2015
7 DE DECEMBRO DE 2017
12 DE NOVEMBRO DE 2019
2 DE DECEMBRO DE 2020
15 DE DECEMBRO DE 2021

4 DE DECEMBRO DE 2023
12 DE DECEMBRO DE 2024